

LÖG

RAFBIÍASAMBANDS ÍSLANDS

1. gr.

Nafn

Nafn sambandsins er Rafbílasamband Íslands, að viðbætti skýringunni: "Samtök eigenda og innflytjenda/söluaðila á rafbílum og vöru og þjónustu þeim tengdum". Enska nafn félagsins er: „The Icelandic EV Association“.

2. gr.

Varnarþing

Heimili félagsins er að Ármúla 4 í Reykjavík og varnarþing sambandsins er í Reykjavík.

3. gr.

Tilgangur

Tilgangur sambandsins er:

- Að vera í málsvari fyrir sambandsaðila um málefni rafbílgreinarinnar gagnvart öllum opinberum aðilum, samtökum, framleiðendum, öðrum viðskiptamönnum og almenningi.
- Að efla og þróa rafbílgreinina á Íslandi, með því að:
 - halda utan um stefnumörkun í málefnum rafbílgreinarinnar.
 - vinna að eflingu menntunar til aukinnar þekkingar innan rafbílgreinarinnar.
 - vinna að eflingu faglegra vinnubragða innan rafbílgreinarinnar.
 - vinna að því að viðhafðir séu réttmætir viðskiptahættir innan rafbílgreinarinnar.
 - Að stofna til, skipuleggja og halda sýningar á rafbílum, hlutum tengdum þeim og iðnaðinum í heild.
- Vinna að umhverfisvernd og stuðla að bættari umferðarmenningu og auknu umferðaröryggi.
- Að láta til sín taka öll málefni sem hafa almenna þýðingu fyrir sambandsaðila og eflingu rafbíla-greinarinnar í landinu.

4. gr.

Innganga

- Öllum einstaklingum sem ekki hefur verið sérstaklega vísað úr sambandinu er heimil aðild óháð rafbílaeign.
- Lögaðilum sem annast sölu á rafbílum, vörum og þjónustu þeim tengdum og auk þess aðilum sem vilja stuðla að notkun raforku í samgöngum á Íslandi er heimil aðild að sambandinu. Aðilar þurfa að fullnægja kröfum sambandsins og yfirvalda um útbúnað, tæki, starfsumhverfi o.þ.h. Jafnaframt skulu þeir fylgja viðurkenndum meginreglum um gott siðferði og góða viðskiptahætti og séu að öðru leyti þannig, að aðild þeirra samrýmist hagsmunum sambandsins. Erlend rafbílasamtök geta sótt um aukaaðild að félaginu.
- Umsókn um inngöngu lögaðila sendist skriflega til skrifstofu sambandsins ásamt upplýsingum sem stjórnin telur ástæðu til að krefjast. Formaður skal bera inntökubeiðnina undir stjórn sem tekur ákvörðun um afgreiðslu hennar.
- Einstaklingur telst skráður í félagið þegar hann hefur greitt félagsgjald eins og það er ákveðið af stjórn sambandsins hverju sinni.

5. gr.

Sérstakar félagsskyldur

- Skilyrði fyrir inngöngu er að skrifstofu sambandsins séu veittar upplýsingar um viðkomandi aðila sem skipta máli að mati stjórnarinnar hverju sinni. Þetta á við um allar aðstæður ef um þjónustu og/eða sölufyrirtæki er að ræða, svo tilgangi sambandsins verði náð.

2. Með upplýsingar, sem látnar verða í té, skal farið með sem algjört trúnaðarmál. Þær má aðeins ræða í stjórn sambandsins eða á fundum þess eftir tölulega úrvinnslu og án tilgreiningar einstakra fyrirtækja.

6. gr.

Úrsögn

1. Aðila er heimilt að segja sig úr sambandinu með minnst 3ja mánaða fyrirvara. Úrsögn skal vera skrifleg og sendast skrifstofu sambandsins. Aðilar, sem úr sambandinu ganga, eiga ekki kröfu til endurgreiðslu árgjalds, annarra framlaga til sambandsins eða nokkurs hluta af eignum þess.
2. Aðilar sambandsins, sem skulda árgjöld, eða önnur framlög til sambandsins fyrir meira en eitt ár, skulu taldir segja sig úr sambandinu enda verði þeir ekki við greiðsluáskorun, sem send skal þeim í ábyrgðarbréfi með einnar viku fyrirvara.

7. gr.

Brottrekstur

Víkja má einstaklingi eða fyrirtæki úr sambandinu um lengri eða skemmri tíma, þegar stjórn þess telur fullvíst, að einstaklingur eða eigandi eða ábyrgur stjórnandi viðkomandi fyrirtækis hafi gerst brotlegur. Skal einu gilda hvort hann hafi brotið skráð eða óskráð lög, venjur um góða viðskiptahætti eða neitað að veita sambandinu upplýsingar skv. 5. gr.

Stjórn sambandsins tekur ákvörðun um brottvikningu til sambandsfundar.

8. gr.

Aðalfundur

Aðalfundir fara með æðsta vald í málefnum sambandsins en almennir félagsfundir á milli aðalfunda.

Aðalfundur skal að jafnaði halda fyrir lok maí mánaðar ár hvert. Heimilt er þó þegar sérstaklega stendur á að halda aðalfundinn á öðrum tíma enda samþykki stjórnin það. Til aðalfundar skal boða með tveggja vikna fyrirvara með bréfi til sambandsaðila eða með auglýsingu í dagblaði.

Dagskrá fundarins skal vera sem hér segir:

- 1) Skýrsla stjórnar.
- 2) Reikningar bornir upp til samþykktar.
- 3) Kosning formanns.
- 4) Kosning stjórnar og varamanna.
- 5) Lagabreytingar.
- 6) Önnur mál.

9. gr.

Lögmæti aðalfundar, atkvæðisréttur

Aðalfundur er lögmætur ef löglega er til hans boðað án tillits til fundarsóknar. Aðalfundi stjórnar fundarstjóri sem aðalfundur kýs. Fundarstjóri kannar lögmæti fundarins.

Einfaldur meirihluti nægir til löglegra samþykka á aðalfundi.

Sérhver sambandsaðili hefur eitt atvæði.

Aðili sem eigi getur sótt aðalfund getur látið fulltrúa sinn eða annan sambandsaðila sækja aðalfund fyrir sína hönd, enda fái hann til þess skriflegt umboð. Enginn getur þó farið með atkvæði fleiri en tveggja aðila auk síns (sinna) eigin.

Atkvæðagreiðsla á aðalfundi skal fara fram með handauppréttingu, nema 3 menn krefjist skriflegrar atkvæðagreiðslu. Einfaldur meirihluti atkvæðamagns ræður úrslitum mála sbr. þó 19. gr. varðandi laga-breytingar.

Þeir einir njóta atkvæðisréttar sem eru skuldlausir við sambandið á aðalfundi, miðað við álögd gjöld um síðustu áramót.

10. gr.
Félagsfundir

Almenna félagsfundir sambandsins skal halda þegar stjórnin telur ástæðu til eða ef 10 sambandsaðilar fara fram á það. Fundinn skal boða svo fljótt sem unnt er.

Nefndir á sérviðum sambandsins skulu standa fyrir félagsfundum fyrir sína félagsmenn í samráði við stjórnina. Félagfundir skal boða með minnst viku fyrirvara nema sérstakar ástæður mæli með því að boða til hans með skemmri fyrirvara. Félagfundum stýrir fundarstjóri sem fundurinn kys. Fundarstjóri tilnefnir fundarritara. Í fundarboði skal getið hvert fundarefnið er. Ekki er heimilt að álykta um fundarefni sem ekki hefur verið auglýst fyrirfram nema með samþykki 3/4 hluta fundarins.

Um atkvæðagreiðslur skulu gilda sömu reglur og á aðalfundi.

11. gr.
Stjórn

Kjörgengir í stjórn sambandsins eru atkvæðisbærir félagsmenn og fulltrúar fyrirtækja sem aðild eiga að sambandinu.

Stjórn sambandsins skipa 3 menn, en 5 menn eftir að félagsmenn verða fleiri en 100. Formaður skal kosinn sérstaklega.

Stjórnarmenn skulu kosnir til tveggja ára þegar þeir eru kosnir í fyrsta sinn. Sama regla gildir þegar formaður er kosinn fyrsta sinni. Varamenn skulu kosnir til eins árs í senn.

12. gr.
Verkaskipting stjórnar

Stjórnin skal á fyrsta fundi sínum eftir aðalfund kjósa sér varaformann og ritara.

Formaður boðar stjórnarfundir þegar þurfa þykir en auk þess er honum skylt að boða til fundar ef 2 stjórnarmenn krefjast þess. Fundur er lögmætur og ályktunarfær ef meirihluti stjórnarmanna er mættur. Hver stjórnarmaður hefur eitt atkvæði. Ef atkvæði falla jöfn, ræður atkvæði formanns.

Stjórnin ákvarðar árgjöld til sambandsins.

Undirskrift formanns og eins meðstjórnanda nægir til að skuldbinda sambandið gagnvart öðrum.

Stjórnin ræður málefnum sambandsins á milli almennra félagsfunda og aðalfunda.

Stjórnin kemur fram fyrir hönd sambandsins.

Stjórnin ákvarðar hvaða mál stjórn sambandsins tekur til umfjöllunar og ákveður starfssvið stjórnar. Telji hún þörf á nánari faglegru umfjöllun um tiltekin mál vísar hún þeim til viðeigandi nefndar, sbr. 14. gr.

Fundargerð skal haldin um það sem fram fer á stjórnarfundum og skal fundargerð borin undir stjórn til staðfestingar.

13. gr.
Nefndir

Á milli stjórnarfunda vinna einnig nefndir á sérviðum sambandsins þ.e. sölusviði og þjónustusviði. Nefndin á sölusviði fer með málefni rafbílainnflytjenda, bílasala, tækja- og varahlutasala og annarra á aðila á sölusviði. Nefndin á þjónustusviði fer með málefni sem annast viðgerðir og aðra þjónustu við rafbíla og í tengdum greinum. Stjórn sambandsins skipar fulltrúa í nefndirnar að fengnum tillögum frá aðildarfélögum. Nefndarmenn kjósa sér formann.

Nefndir vinna að hagsmunamálum þeim sem þær varða og stjórnin hefur beint til þeirra. Þær skila niðurstöðum sínum til stjórnar.

Nefndirnar geta leitað til vinnuhópa til þess að fjalla nánar um þau málefni sem eru til umfjöllunar hjá nefndunum.

14. gr. Svæðisfulltrúar

Landinu skal skipt í átta svæði, sem hér segir:

- 1) Stór-Reykjavík (Reykjavík, Kópavogur, Hafnarfjörður, Seltjarnarnes, Garðabær og Mosfellsbær),
- 2) Reykjanessvæði (Reykjaneskjördæmi að undanteknum Kópavogi, Hafnarfirði, Seltjarnarnesi, Garðabæ og Mosfellsbæ).
- 3) Vesturland,
- 4) Vestfirðir,
- 5) Norðurland vestra,
- 6) Norðurland eystra,
- 7) Austurland,
- 8) Suðurland,

Stjórn sambandsins skal skipa sérstaka trúnaðarmenn (svæðisfulltrúa) á ofangreindum svæðum, einn eða fleiri á hverju svæði. Jafnframt er heimilt að skipa sérstakar svæðastjórnir. Hlutverk svæðisfulltrúa skal m.a. vera að afla sambandinu nýrra meðlima á svæðinu og kom á samvinnu þeirra á milli um sameiginleg hagsmunamál.

Stjórn sambandsins skipuleggur svæðafundi eftir því sem þurfa þykir. Stefnt skal að því að boða svæðafulltrúa a.m.k. árlega til sameiginlegs fundar.

15. gr. Framkvæmdastjóri og skrifstofa

Stjórnin ræður framkvæmdastjóra fyrir sambandið. Hann stjórnar skrifstofu þess. Hann hefur á hendi allar daglegar framkvæmdir og annast ráðningu aðstoðarfólks.

16. gr. Árgjöld

Við inngöngu í félagið greiðist árgjald eins og það hefur verið ákveðið af stjórn félagsins á hverjum tíma, fyrir hvern ársfjórðung sem liðinn er af árinu fæst 25% afsláttur af fyrsta árgjaldi.

Árgjöldin falla í gjalddaga 1. janúar ár hvert, fyrirfram.

Upphæðir árgjalda skal tilkynnt fyrir 1. október ár hvert fyrir komandi ár.

17. gr. Reikningar- Fjárhagsáætlun

Reikningsár sambandsins er almanaksárið. Löggiltur endurskoðandi skal endurskoða reikninga og skila athugasemdum til stjórnar sambandsins.

Fyrir 15. apríl ár hvert, skal framkvæmdastjóri hafa lokið við reikninga fyrir liðið starfsár og sent þá endurskoðanda er skilar stjórninni athugasemdum sínum innan 14 daga.

Þá skal framkvæmdastjóri leggja fjárhagsáætlun næsta starfsárs fyrir stjórn sambandsins eigi síðar en 30. nóvember ár hvert. Áætlunin skal endurskoðuð og lögð fram í endanlegri mynd eigi síðar en mánuði fyrir aðalfund þess.

18. gr.

Lagabreytingar

Tillögur til breytinga á lögum sambandsins skulu sendar stjórn sambandsins, er leggur þær fyrir aðalfund. Slíkar tillögur þurfa að berast eigi síðar en þremur vikum fyrir aðalfund. Til að slík tillaga nái fram að ganga þarf samþykki 2/3 hluta greiddra atkvæða.

19. gr.

Gildistaka laganna

Lög þessi öðlast þegar gildi.

Lög samþykkt á stofnfundi félagsins hinn 18. desember 2012 með síðari breytingum (15. mars 2018)